



CUMÜN DA SENT



# Il mas-chalch da Sent

Publicaziuns officialas. Cumpara segund bsögn.  
2012-2014  
no. 4

7554 Sent, 5 avrigl 2012 / cl

## Radunanza cumünala

La radunanza es gnüda fixada sün **gövgia, 12 avrigl 2012, a las 20.15** in chasa cumünala.

### Tractandas:

1. Protocol da la radunanza cumünala dals 15 december 2011
2. Lingia Electrica Sur En – Panas-ch Sura – Credit brüt da fr. 159'000.-- cun cuosts restants nets da fr. 59'000.--
3. Cumprita da l'infrastructura electrica e da chnalisaziun da Pozzet – Credit brüt da fr. 125'000.-- .
4. Stabilimaint da la Posta – Orientaziun
5. Diversas orientaziuns
6. Varia

**Il Cussagl cumünal**

## Radunanza da vaschins

In seguit a la radunanza cumünala dals **12 avrigl 2012**

### Tractandas:

1. Protocol da la radunanza dals 24 october 2011
2. Vendita da la mità da la chamonna da Val Glatschera
3. Varia

**Il Cussagl da cumün da vaschins**

## Cumün da Sent

Nus tscherchain pel cumanzamaint da l'on da scoula 2012 / 2013

### üna muossadra / ün muossader per gymnastica

2 lecziuns scoulina  
cumanzamaint 20.8.2012

Nus giavüschain:

- qualitats pedagogicas e cumpetenzas regard l'instrucziun
- chi sun persunalitats ingaschadas e motivadas
- chi discuorran rumantsch o chi han la voluntà d'imprender rumantsch

Nus spordschain:

- ün'interessanta lavur in ün gremi pitschen
- ün lö da lavur attractiv in ün cumün cun diversas societats culturalas e da sport
- paja tenor uorden chantunal

Annunzchas culs solits allegats sun d' inoltrar fin als **10 avrigl 2012** a Jon Cantieni, pres. dal cussagl da scoula, 7554 Sent, tel. 079 655 32 07, [cantienijon@bluewin.ch](mailto:cantienijon@bluewin.ch) .

**Il Cussagl da scoula**



## **Avis: Palperi vegl**

In marcurdi, als 18 avrigl 2012 a partir da las 8.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

### **La scoula**

## **Cults divins sur las Festas**

**6 avrigl 2012 10.00 Venderdi sonch** cun scolar(a)s da la settavla classa.  
Predgia in memoria tant da la Paschiun da Gesu sco eir dal patir aint il muond.  
Davo la predgia spordschaina ün giantar fich simpel per tour part eir in tala maniera a la situaziun fich simpla da blers conumans.  
Collecta a favur da Pan per tuots.

**8 avrigl 2012 10.00 Pasqua** cun Soncha Tschaina

### **La pravenda**

## **Giantar cumünaivel**

Als 18 avrigl 2012 giaina a giantar illa Crusch Alba giò Crusch. Partenza a las 11.40 davent da la Posta. Annunzchas piglia jent incunter duonna Erica Clalüna, tel. 081 864 07 59

### **La corporaziun evangelica**

## **Deponia La Fuorcha – Avertüra ufficiala**

A partir da **subit** es la deponia La Fuorcha darcheu averta. Tenor decisiun dal Cussagl cumünal dals 9 favrer 2009 vaglian per la deponia La Fuorcha las seguintas prescripziuns:

1. Tenor las directivas da la PEB chi's basan sül art. 26 da la ledscha chantunala per l'allontanamaint d'arüd (AbG), esa admiss da depositar be **material net**.
2. **Tuots oters materials** sun da depositar sülla **deponia regionala Sot Ruinas a Scuol**.
3. I das-cha gnir deponà be material dal territori dal cumün da Sent fin maximal 10 m<sup>3</sup>.
4. Il quantum e che material chi vain manà sülla deponia es d'indichar in büro cumünal.
5. Inchaschada vain la seguinta taxa: fin 5 m<sup>3</sup> l'on gratuit  
da 6 m<sup>3</sup> – 10 m<sup>3</sup>: **fr. 14.--** per m<sup>3</sup> material
6. La clav da la deponia La Fuorcha as po retrar d'urant las uras da fanestrigl i'l büro cumünal, cunter ün deposit da **fr. 100.--**.
7. La clav sto gnir restituida infra **2 dis** da lavur.
8. Material da s-chavs da fabricas ha da gnir deposità sülla deponia regionala.

### **Il Cussagl cumünal**

## **Domraziun – Registraziun da bes-chas**

Tenor art. 18 a dal reglamaint d'epidemias da bes-chas federal sun ils chantuns in dovair da registrar al di da la domraziun sper la muvaglia süllas paurarias eir las seguintas bes-chas chi vegnan tgnüdas per hobi da privats:

**equids (chavals, ponis, asens etc), giallinas, peschs ed aviöls.**

Quista registraziun es necessaria per avair las datas in cas d'epidemias.

Persunas chi tegnan per hobi üna o tschella bes.cha surnomnanda sun giavüschadas d'annunzchar quai fin il plü tard als **30 avrigl 2012** a l'administraziun cumünala.

### **L'administraziun cumünala**

## **Interrupziun da forza**

L'Energia Engiadina infuormescha a l'administraziun cumünala a regard las interrupziuns da forza electrica previsas causa lavurs da mantegniment e reparaturas. Interrupziuns plü lungas (1-2 uras) vegnan normalmaing comunicadas cun ün fögl d'infuormaziun scumparti in mincha chasada.

Per pudair infuormar a firmas e privats in möd svelto ed effiziant eir a regard las interrupziuns da forza electrica da fich cuorta d'ürada (minuts), giavüschain nus a quels chi vessan jent quell'infuormaziun d'indichar lur adressa dad e-mail in büro cumünal. Els survegnan lura tuot las comunicaziuns d'interrupziun da la forza electrica previsas (da lunga e da cuorta d'ürada) per e-mail. Interrupziuns causa dons nu pon natüralmaing gnir evitadas ed eir na comunicadas!

**L'administraziun cumünala**

## **Stimats fittaders d'abitaziuns da vacanzas e stimats hoteliers**

Cuntschaintamaing eschna daspö 2011 part da la DMO „Destinationsmanagement-Organisation“ cul nom da Firma „Tourismus Engadin Scuol Samnaun Val Müstair AG (TESSVM)“. Ils büros d'infuormaziun vegnan manats da tala organisaziun decentral in mincha cumün culla centrala a Scuol, ingiö chi vain eir pisserà pel marketing per nossa regiun.

Uossa as poja leger in gazetatas tanter oter: “Die Parahotellerie soll fitter werden”. “Wir müssen die Auslastung in der Hotellerie und der Parahotellerie fördern”

Cun nos chapital, nos bellischem cumün, nossa cuntrada, las üsanzas, la cultura e la natüra, vaina buns “Trumps” in man. No stuvain esser plü consciaints da quists fats prezios! No eschan tuots ambaschadurs per nossa regiun e nos bainstar es dependent dals esters! Sch'els pon passantar bellas vacanzas pro no, fana sgüra eir üna buna recloma per no e tuornan darcheu in Engaidina Bassa.

Üna buna fin da la stagiun d'inviern e bella Pas-qua!

**La scheffa da turissem**



### **Società da samaritans Sent**

Nossa società maina tras dal 2012 ün cuors d'agüd d'urgenza (Nothilfekurs).

Il cuors ha lö in venderdi ils 13 avrigl da las 19:00 – 22:00 implü in sonda ils 14 avrigl 2012 da las 09:00 – 12:00 / 13:30 – 17:30 (10 uras).

Per quels chi fan la patenta da l'auto vain pretais quist cuors.

Persunas chi han interess d'esser in bain ed as metter in colliaziun cun Lorenz Scandella 081/864'98'46 / 079/312'11'40, Christian Felix 081/864'01'24 / 079/835'82'49 obain cun Cilgia Heis 081/864'05'72 / 079/675'09'46.

**La società da samaritans**

## **Grond marchà da pülschs als 20 e 21 avrigl 2012 a Sent**

Vendita dal mobigliar da l'hotel Rezia

Venderdi 20.04.2012: 14.00 fin las 18.00

Sonda 21.04.2012: 09.00 fin las 12.00 e 14.00 fin las 18.00

No ans allegrain sün Vossa visita!

**Carlos Gross**

## **Tscherchè pedel per la chasa Davo Stron 253**

Per la chasa Davo Stron 253, cun quatter abitaziuns, tscherchain nus ün(a) pedel(la) per controllas periodicas, pulir las s-chalas e per custodir ils contuorns. Tanter 8 e 15 uras lavur al mais.

Interessent(a)s pon s'annunzchar pro sar Robert Schneider. Telefon 078 833 92 87

Email: [r.schneider@swissonline.ch](mailto:r.schneider@swissonline.ch)

**Robert Schneider**

## Da dar a fit

a partir dals 1. lügl 2012 o tenor curvegna ün'abitaziun gronda e sulagлива da 4 ½ stanzas a Chasellas. Fit al mais sün dumonda.

Interessents pon s'annunzchar suot il numer 079 655 32 07.

**Fam. Jon e Manuela Cantieni**

## Da dar a fit

a partir dals 1. lügl 2012 ün abitaziun da 2 ½ stanzas, lö quiet e sulagliv, cun piazza da parcar, pigna da laina (Schwedenofer)

Interessents pon s'annunzchar pro Mario e Seraina Riatsch. Telefon: 081 864 81 29 o mobile: 079 413 05 66.

**Fam. Mario e Seraina Riatsch**



## Seniors Engiadina Bassa

Jon Poo Werro, 7542 Susch, tel. 081 862'29'66

Lüzza Rauch, 7550 Scuol, tel. + fax 081 864'19'63

## Program gitas 2012

Muntada: ▲ in meters / Schmuntada: ▼ in meters

<b>30.05.2012:</b>	Glurns – biotop Schluderns – Fischerstube:	2 ½	uras;	▲ 50 / ▼ 50
<b>13.06.2012:</b>	Lü – Alp Tabladatsch – Valpaschun – Lü:	2 ½	uras;	▲ 325 / ▼ 325
<b>27.06.2012:</b>	Norbertshöhe – Selesköpfe – Norbertshöhe:	3	uras;	▲ 300 / ▼ 300
<b>11.07.2012:</b>	Lavin – Charnadüras – Suorns – Lavin:	3 ½	uras;	▲ 300 / ▼ 300
<b>25.07.2012:</b>	Silvaplana – Föglias – Plaz – Segl Baselgia:	3	uras;	▲ 300 / ▼ 300
	varianta Föglias – Segl Baselgia:	1 ½	uras;	▲ 150 / ▼ 150
<b>08.08.2012:</b>	Punt la Drossa – Punt dal Gall:	2	uras;	▲ 250 / ▼ 150
<b>22.08.2012:</b>	Madrise – pct. 1968 – Obersäss – Madrise:	2 ½	uras;	▲ 300 / ▼ 300
	varianta Madrise – pct. 1968 – Madrise:	1 ½	uras;	▲ 100 / ▼ 100
<b>12.09.2012:</b>	Stelvio – pct. 2843 – Rifugio Forcola:	3 ½	uras;	▲ 100 / ▼ 800
	(pussibilità da tuonar cun l'auto da posta Stelvio – Trafoi)			

## Remarchas generalas:

- Persunas sur 55 ons sun amiaivelmaing invidadas
- Important sun bunas s-charpas, bastuns da chaminar, giacca da vent e plövgia
- Marenda our da la buscha
- Annunzchas sun d'inoltrar fin il plü tard il lündeschdi a mezdi al postin da mincha cumün
- Ils manaders inchaschan da mincha participant l'import da 20.00 frs. Per cuvernar las spaisas generalas da tuotta stà; impü as sto calcular amo las spaisas da viadi
- Mincha participant es respunsabel per sia sgüranza
- Scha la gita sto gnir annullada, comunicheschan ils manaders quista dispusiziun als respunsabels da mincha cumün. Quel informescha als participants da seis cumün
- La postina per ils participants da Sent es Annatöna Pult.

Las annunzchas dals respunsabels da mincha cumün sun d'inoltrar als manaders fin il plü tard il lündeschdi a las 20.00 h a:

Jon Poo Werro, tel. 081 / 862 29 66 natel 079 / 407 56 77

Lüzza Rauch, tel. 081 / 864 19 63 natel 079 / 623 46 02

**Jon Poo Werro e Lüzza Rauch**